

顏魯公文集補遺

錫山安國刊

裴將軍詩

大君制六合猛將清九垓戰馬若龍虎騰陵何壯哉
將軍臨八荒烜赫耀英材劍舞若游電隨風縈且迴
登高望天山白雲正崔嵬入陣破驕虜威名雄震雷
一射百馬倒再射萬夫開匈奴不敢敵相呼歸去來
功成報天子可以畫麟臺

迂獻懿二祖及帝袷議

見唐文粹與廟享議
意同而辭簡故並存

之

今議者有三一謂獻祖親遠而遷不當祫宜藏主西
室二謂二祖宜祫食與太祖並昭穆缺東向位三謂
引二祖祫禘卽太祖永不得全其始宜以二主祔德
明廟雖然與人神未厭也景帝旣受始封矣百代不
遷矣而又配天尊無與上至禘祫時暫屈昭穆以申
孝尊先實明神之意所以教天下之孝也况晉蔡謨
等有成議不爲無據請大祫享奉獻主東向懿主居
昭景主居穆重本尚順爲萬代法夫祫合也有如別
亨德明是乃分食非合也時議者舉然於是還獻
懿祖主祫於廟如真廟

千祿字書序

史之興備存往制筆削所誤抑有前聞豈唯系上
加之蓋亦馬中關五迨斯以降外謬寔繁積習生常
爲弊滋甚元孫伯祖故秘書監貞觀中刊正經籍因
鑄字體數紙以示讎校楷書當代共傳號爲顏氏字
樣後鈔是賴汗簡攸資時訛頓遷歲久還變後有羣
書新定字樣是學士杜延業續修雖稍增加然無條
貫或應出而靡載或詭衆而難依且字書源流起於
上古自改改篆行隸漸失本真若總據說文便下筆
多礙當去泰去甚使輕重合宜不揆庸虛久思編輯

頃因閑暇方契宿心遂參校是非較量同異其有義

理全僻固勿畢該點畫小虧亦無所隱勒成一卷名

曰干祿字書以平上土入四聲為次每轉韻處朱點其上

具言俗通正三體大較則有三體非謂每字總然

偏旁同者不復廣出謂恩及氏回舊召之類是也

字有相亂因而附焉謂彤完完樟樟之類是也

所謂俗者例不從近唯籍帳文案券契樂方非涉雅

言用亦無異謂改革善不可加所謂通者相承久

遠可以施表謂啟尺牘判狀固免詆訶若須作文

言及選曹銓試謂正體用之尤佳

正者並有憑據可以施著述文章對策碑碣將

進士考試理宜必遵正體明經對策貴合經

注本文碑書李作八分任別誨舊則有此區別其

何哉夫筮仕觀光惟人所急循各貴實有謂

考文辭兼詳翰墨升沉是繫安可忽謂

須折衷目以干祿義在茲乎謂

淡岐多路惑庶有歸於適從如曰不然請俟來哲

項王碑陰述

西楚霸王當秦之末與叔梁避讎吳蓋今之湖州

也雖滅秦而宰制天下竟魄猶思樂茲邦至今廟食

不絕其神靈事跡具竟陵子陸羽所載圖經大曆七年真卿蒙刺是州十二載姦臣伏法恩命追真卿上都 剋期首路竟陵是諭予以故碑顛趾嘗因已而復 之真卿乃命再加崇樹紀之時則仲夏方牛明之日

祭伯父豪州刺史文

維乾元元年歲次戊戌十月庚子廿一日庚申第十三姪男銀青光祿大夫使持節饒州諸軍事饒州刺史上輕車都尉丹陽縣開國侯真卿敢昭告于亡伯故朝議大夫豪州刺史府君之靈旨者羯胡祿山假

擾河洛生靈塗炭兵甲靡夷二兄杲卿任常山郡太守忠義憤發首開土門擒斬逆豎挫其凶慝先蓋授衛尉卿兼御史中丞城孤援絕身陷賊庭聖朝哀榮褒贈太子太保甥姪八人李明盧逖等被賊害者並贈五品京官嫂及兒女皆被拘囚睿略昭宣宇宙清廓脫于賊手並得歸京真卿比在平原遭罹凶逆與杲卿同心協德亦著微誠二聖憫焉授戶部侍郎河北採訪招討使又遷工部憲部二尚書再兼御史大夫出爲同蒲饒三州刺史聖恩錫類大門贈華州刺史兄弟兒姪盡蒙國恩允南授膳部郎中允臧授侍

御史威明試太僕丞頴授太子洗馬頂授協律郎頴授秘書省校書郎賜緋魚袋泉明顯頴等並蒙遷改一門之內生死哀榮真卿時赴饒州至東京得申拜掃又方遠辭違伏增感咽謹以清酌庶羞之奠以伯母河南縣君元氏配尚饗

與李太保帖

辭後明日至宅奉送承已當時出

獲重捧袂至今爲恨仲春漸暄不審太保尊體何如真卿粗爾不審初到如何承異績以慰瞻係因郎張洙往謹附狀不宣謹狀二月十四日刑部尚書

顏真卿狀上李太保大夫公閣下

張洙昨艱難時

首末得力願在麾下有容足處庇之幸甚謹空

奏事官至蒙問增慰馳誠冬閏初寒伏惟太保尊體安適真卿悲疚可言蕃寇推退爲憲之功忝沐深情俱增喜躍前後不逢之信遂闕修狀何時入奏未聞悲係無喻謹還狀不次謹狀閏月十有四日刑部尚書顏真卿狀上李太保大夫公閣下謹空

真卿粗自奉別渴仰何勝昨緣馬奔遂失馳謁想蒙情恕也真卿十五日離家大小俱安洄洄病瘡少愈勿憂爲佳正遠披承益期自愛謹勒叅候不次刑部

尚書顏真卿頓首李太保大夫公閣下千手贊已領
訖然尚少第二隔恐在書府希更根尋足跡拙抵罪
聖慈含弘猶佐列藩不遠伊邇省躬荷德恩貸實深
競慄之誠在物何喻仲春暄甚不審太保尊體何如
所苦當轉勝也真卿緣驛上無馬私乘泡轉幾死前
進不得今日始至藍田即便取路不獲執別此情如
何珍重珍重謹附狀不次謹狀二月十一日硤州別
駕顏真卿狀上李太保大夫公閣下

與澄

真卿承聞大華嚴會已遂園成取來日要詣彼隨喜

如何如何幸周副老草不悉真卿頓首和南澄師大
德侍老 十日敬空

與御史帖

真卿謹別上書于御史閣下竊聞尊候平和真卿瞻
仰瞻仰前所會廟上諸公未悟唯御史高百寮所
古未有雜事可置况朝廷自有次序不足念乎真卿
守政帖

政可守不可不守吾去歲中言事得罪又不能逆道
苟時爲千古罪人也雖處遠方終身不耻緒汝等
當須會吾之志不可不守也

廣平帖

得示問廣平碑本了來數日故當封呈真卿頓首

修書帖

賊軍未平使僕不憤見故先修書但召諸子弟與語不具真卿

中夏帖

真卿頓首中夏以還暑氣日甚病懶益不喜所爲前欲書石當須稍涼作之也幸不以差緩過之京人亦何消息嘉否

文殊帖

近作一文殊師利菩薩碑但欲發揚主上聖意蓋不近文律耳今奉呈充蓋醬之用可乎真卿白

訊後帖

真卿具前楮訊後所苦何如立斯極位雄廷江上佳山秀水在公庭戶想日有樂事甚得佳士相延公高才逸韻自有晉宋間人風坐此肆局不易處上方招致仁者如公之豈久在江左乎行聞迅召以快士議真卿頓首

移蔡帖

貞元元年正月五日真卿自汝移蔡天也天之昭明

其可誣乎有唐之德則不朽耳十九日書

顏魯公文集

顏魯公年譜

留元剛編

錫山安國校刊

中宗景龍三年己酉

公生於是年其先琅琊臨沂人晉侍中西平靖侯
含之十四世孫含以孝義儒學名家居丹陽五代
祖之推北齊黃門侍郎始為京兆長安人高祖思
魯隋司經局校書東宮學士長寧王侍讀唐太宗
為秦王拜記室參軍曾祖勤禮著作郎崇賢弘文
館學士祖昭甫晉王曹王侍讀華州刺史父惟貞

薛王友贈太子少保

四年庚戌六月改元唐隆是月睿宗卽位七月改元景雲

睿宗景雲二年辛亥

三年壬子正月改元太極五月改元延和八月傳位

元宗改元先天

先天二年癸丑十二月改元開元

元宗開元二年甲寅

二十二年甲戌

公年二十六考功員外郎孫湫下進士及第試梓

材賦庫詩

二十四年丙子

公年二十八平判入等授朝散郎祕書省著作局

校書郎

大寶元年壬午

公年三十四舉文詞秀逸科元宗御勤政樓策試

上第十月授醴泉尉後黜陟使王珙以清白名聞

轉通直郎遷長安尉按本傳及神道碑天寶初以

制策甲科作尉醴泉考唐會要所載諸科如文詞

秀逸皆謂之制舉通直郎自武德定令爲從六品

朝散郎從七品

五載丙戌

公年三十八是歲有張長史十二意筆法記

六載丁亥

公年三十九正月遷監察御史尋充河東朔方軍
試覆屯交兵使

七載戊子

公年四十是年充河西隴右軍試覆屯交兵使

八載己丑

公年四十一又充河東朔方軍試覆屯交兵使劾

奏朔方令鄭延祚八月遷殿中侍御史時中丞宋

渾為御史吉溫崔珪誣告謫賀州公曰折之楊國

忠黨於溫怒公不附已今溫諷中丞蔣冽奏公為

東都採訪判官按史傳溫性陰詭諂事貴官以訊

獄深虐李林甫才其為擢戶部郎中兼侍御史又

媚附楊國忠安祿山高力士為國忠謀奪林甫權

誣奏京兆尹蕭晔及渾逐之皆林甫所善林甫不

能救後祿山領河東節度表溫自副總留事拜鴈

門太守以母喪解表為魏郡太守國忠當國引拜

中丞十三載祿山薦為武部侍郎國忠與祿山爭

寵溫轉厚於祿山國忠忌之發其贓狀遂斥死宋
渾之謫當是溫兼侍御史時也家譜以公遷殿中
在五月今從行狀

九載庚寅

公年四十二二月遷侍御史

十一載壬辰

公年四十四三月轉武部員外郎判南曹

十二載癸巳

公年四十五楊國忠以前事銜之繆稱請擇出公
為平原太守按十二載有東方朔畫贊碑陰記

去歲拜此郡則以是年出守明矣

十三載甲午

公年四十六十二月有東方先生畫贊碑陰記

十四載乙未

公年四十七轉兵部員外郎時安祿山反河朔盡
陷獨平原城守具備使司兵參軍李平馳奏元宗
始聞亂嘆曰河北二十四郡無一忠臣耶及平至
大喜顧謂左右曰朕不識真卿何如人所為乃若
此謹按公嘗為殿中侍御史與仲昆左補闕允南
同列臺省每朝賀宰相已下登殿者不過三十人

公與允南二拱法座於含元殿朝覲宴集必同行
列夫以拱承天辟執憲殿中久賜清間參陪左右
不爲䟽逃者矣平原
已有不識之
問元宗末年怠荒盡於妖嬖昏昧至是安得不稔
胡雛之禍哉

十五載丙申七月肅宗卽位改元至德

公年四十八正月加戶部侍郎兼平原郡太守三
月兼河北招討採訪使七月拜工部尚書兼御史
大夫平原郡太守河北招討採訪處置等使有皇
帝卽位賀上表皇有修書帖十月史思明使尹子

竒圍河間公遣和琳往救思明逆戰擒之河間
又使康沒野波將先鋒攻平原公謀於衆賊銳不
可抗乃渡河

肅宗至德二載丁酉

公年四十九四月朝於鳳翔授憲部尚書有讓表
六月兼御史大夫有謝表新史行狀月日不同今
從家譜九月丁丑廣平王俶平西京十月壬戌平
東京癸亥肅宗發鳳翔丙寅入西京太廟爲賊所
焚肅宗素服向廟哭三日按本傳兩京復公建言
春秋新宮災魯成公三日哭今太廟爲賊毀請築

金山安民館
皇公文集卷之九
壇於野皇帝東向哭宰相默其言十一月出為馮翊太守有謝上表

三載戊戌二月改元乾元

公年五十三月除蒲州刺史有謝上表四月有謝
晉王曹王侍讀贈華州刺史表按通鑑宋御姊妹
及泉明之子流落河北是年公守蒲使泉明往求
之九月有祭姪贈贊善大夫季明文十月除饒州
刺史有華嶽廟題名至東京拜掃有祭伯父濠州
刺史文豪州按通典春秋末鍾離子之國晉僑置
徐州安帝時為鍾離郡宋廢入南兗州齊置北徐

州北齊為西楚州隋開皇二年以地枕濠水更曰
濠州自大業至唐武德天寶乾元改為郡若州者
再地理志謂濠字初作豪元和三年改從濠元和
郡國志濠字中間誤去水元和三年字又加水彭
晁社亭記碑陰載武德間州印豪字亦不從水元
和二年刺史崔公中奏請依舊以濠水為州名三
年八月敕濠從水省司重造新印攷之濠州乃開
皇舊名武德以後始作豪也今舊集作濠誤當從
碑本

乾元二年己亥

公年五十一有顏司徒碑銘六月爲昇州刺史充浙西節度使兼江寧軍使有謝表江寧郡以元改置昇州兼浙西節度觀察使是年有與蔡明帖李侍御寫真贊有天下放生池碑銘按放生池碑陰記及碑銘所載皆在二年湖州碑陰記後音作二年三月攷之乞御書碑額表云去年冬任昇州刺史日述碑銘一章自書絹本附史元琮奉進乞御書題額以光揭不朽緣前書點畫稍不經久今謹據石摹窠大書一本奉進特乞俯遂前請然則碑銘必是年所作而再進壁

本在於次年故繫以改書之歲月耳藝文類聚梁元帝荆州放生亭碑世謂放生建碑始於唐非也

二年庚子閏四月改元上元

公年五十二時劉展將反公豫飭戰備李岷以爲生事非短公二月追爲刑部侍郎有乞御書天下放生池碑額表八月貶蓬州長史按離堆記以言事忤旨本傳云上皇遷西內公率百官問起居李輔國惡之行狀神道碑又謂爲御史中然二事皆在公貶貳之時也

上元二年辛丑九月去年號稱元年以十一月爲首
歲

元年壬寅復以建巳月爲四月改元寶應是月代宗
卽位

公年五十四五月有鮮于氏離堆記拜利州刺史
屬匡賊圍城不得入追赴上都十二月劉宴讓爲
戶部侍郎有謝表有顏司業碑

寶應二年癸卯七月改元廣德

公年五十五三月改吏部侍郎有謝表八月除江
陵尹兼御史大夫充荆南節度觀察處置使有

表未行授代十月轉尚書右丞有臧尚書碑銘

代宗廣德二年甲辰

公年五十六正月以檢校尚書兼御史大夫充朔
方行營汾晉等六州宣慰使招諭僕固懷恩不行
遂知省事二月有與李太保帖十一月有與郭僕
射郭公廟李臨淮碑銘按郭英義爲尚書右僕射
封定襄郡王驕蹇侈汰陰事元載魚朝恩以久其
權明年嚴武死以英義爲成都尹充劍南節度使
自以有內主肆志無所憚崔旰反英義奔靈池普
州刺史韓澄殺之是月又與李太保帖

永泰元年乙巳

公年五十七八月有孫逖文公集序閏十月有與李太保帖有顏秘監碑銘

二年丙午十一月改元大曆

公年五十八時元載多引私黨畏羣臣論奏乃給代宗曰羣臣所奏多挾私讒毀請自今論事先白長官長官白宰相宰相定可否然後奏聞公有百官論事疏攝事太廟言祭器不飭載以爲誹謗二月貶峽州別駕時又有廟享議朝會有故去樂議三月移佐吉州道出溧水有吊烈士左伯桃詩六

月有東林寺西林寺題名歐陽公脩集右錄按唐書公爲元載所惡貶峽州員外別駕撫州湖州刺史載誅復爲尚書而不言其再貶至新史始載本末蓋攷諸碑陰記及題名也

大曆二年丁未

公年五十九正月有鮮于少保碑銘十月有靖居寺題名守政帖廬陵集十卷

三年戊申

公年六十五月除撫州刺史按魏夫人麻姑華姑仙壇記乞御書題額恩敕批答碑陰記並存是歲

家譜誤作二年當以記爲據有書馬伏波語
四年巳酉

公年六十一四月歸祔季弟少尹于上都時同生
十人零落皆盡惟公獨存有寶應寺翻經臺記魏
夫人華姑仙壇碑

五年庚戌

公年六十二五月有麗正殿學士殷君碣銘十二
月有宋開府碑銘

六年辛亥

公年六十三三月有寶應寺律藏院戒壇記閏三

月臨川代到四月有南城縣麻姑山仙壇記是
有晉侍中西平靖侯顏公太宗碑又有左輔元
次所賦爲臨川集十卷

七年壬子

公年六十四有八關齋報德記九月至東京除湖
州刺史十一月發東京有與夫人帖

八年癸丑

公年六十五正月至任七月追建放生池碑銘按
杆山妙善寺碑云大曆七年蒙刺是邦觀察判官
御史素君高巡部會於此上遂立亭於東南陸處

士以癸丑歲冬十一月癸卯二十一日癸亥建名
之曰三癸又云自典校時著韻海鏡源未遑刊削
壬子歲叨刺于湖公務之際與沙門法海李萼陸
羽褚冲湯某柳察潘述裴循蕭存陸士脩楊遂初
崔弘楊德元胡仲湯涉顏祭韋介左興宗顏策以
季夏於州學及放生池討論至冬徙于茲山來年
春遂終其事攷之乞御書題額恩敕批答碑陰記
公七年秋九月歸至東京起家除湖州刺史來年
春正月至任放生池碑後亦書云七年秋九月已
亥蒙除不應壬子之九月至京癸丑之正月至任

而壬子之季夏已與羣士討論於州學冬復徙于
杼山癸丑之春遂成書而終事碑銘曰三癸嶙峋
又曰紛吾著書羣彥惠臻言羣彥著書於三癸之
亭也夫既大曆七年蒙刺是邦癸丑十月方有此
亭安得壬子之冬羣彥已集是必寺碑傳寫於金
石剝落之餘誤以癸丑爲壬子當終事於甲寅之
春也郡有韻海樓未徙杼山時所建是年有題三
癸亭訓陸處士折青桂花見寄詩水堂送諸文士
戲贈潘丞聯句十二月有沈氏述祖德記玄靖李
先生碑銘公在郡及門生弟姪多携壺機檝以遊

峴山觀左相石罇聯句序謂因積溜深石敢為罇形酌酒其中結宇環飲

九年甲寅

公年六十六正月作干祿字書序書於刺史宅東廳院又有韻海鏡源公天寶中守平原與封紹高箕族弟渾脩成二百卷屬祿山作亂止其四分之一及刺撫州與左輔元等增廣成五百卷至是刊削繁辭纂而成文凡古今文字該於理者披筆削要罔有不備為三百六十卷是年有乞御書題恩敕批答碑陰記妙善寺碑贈僧皎然詩

十年乙卯

公年六十七有元次山表墓碑銘歐陽領軍碑銘

十一年丙辰

公年六十八四月有崔孝公陋室銘記初雪溪東南有白蘋洲梁太守柳惲江南曲汀洲採白蘋日暮江南春後人因以名洲至是公始剪榛導流作八角亭及茅亭書惲誌于上有康使君碑銘

十二年丁巳

公年六十九四月有柳惲西亭記吳興集十卷元載誅楊綰薦公四月召於湖州五月有項王碑陰

述八月爲刑部尚書

十三年戊午

公年七十正月三抗章乞致仕不允二月有過瑤臺寺懷圓寂上人詩是年進吏部尚書按家譜以十二年十二月爲吏部尚書充禮儀使攷舊史記及詩序今年正月乞致仕二月謚昭陵猶爲刑部尚書不應十二年已除吏部今參之行狀神道碑史傳所載先後進吏部當在今年充使乃代宗晏駕之後也

十四年已未五月德宗卽位

公年七十一五月代宗崩充禮儀使七月奏列聖謚繁有請復七聖謚號狀時袁倓議云陵廟玉冊已刻不可輕改倓蓋妄奏不知五冊皆刻初謚而已又有論元皇帝祧遷狀

德宗建中元年庚申

公年七十二七月有顏少保碑銘時楊炎當國公以直不容八月爲太子少師依前禮儀使有左輔元所編禮儀集十卷

三年壬戌

公年七十四上方倚以爲相盧杞忌之八月改太

子太師罷其使

四年癸亥

公年七十五正月李希烈陷汝州盧杞建遣公爲宣慰使往諭之公卿失色李勉密表固留不報既至宣詔旨希烈養子千餘人交刃脅公後又囚於官舍守以甲士掘方坎于廷傳將阬之期公毀節公謂希烈曰死生有定何多端一劍見與卽覩快事希烈不敢逼

興元元年甲子

公年七十六有奉命帖題驛舍壁會周曾等謀襲

汝州奉公爲節度事洩希烈殺曾等拘送公于蔡州

貞元元年乙丑

公年七十七正月有移蔡帖時公已幽辱三載矣度必死乃自作遺表墓誌祭文指寢室西壁下曰吾殯所也八月希烈使閹奴與辛景臻等縊殺公與龍興寺

二年丙寅

四月希烈爲牙將陳僊竒所殺蔡州平十一月奉公喪歸葬于萬年縣之鳳棲原公之死也舊史記

欽定四庫全書
皇朝文獻通考卷之九十四
二云貞元元年正月始聞廢朝贈謚傳乃謂死於興
元元年八月新史記以爲貞元元年之八月神道
碑前書月日同舊傳後又云貞元初遇害希烈之
誅新舊史記作今年四月舊史傳復云貞元元年
仙竒護公喪歸汝之移蔡帖貞元元年自汝移蔡
行狀及嗣曹王臯表柳珪常侍言旨並云是年八
月賊命辛景臻等於蔡州龍興寺縊公明年希烈
死仙竒歸喪則舊史記傳不但書公之死先後失
次而平蔡歸喪之年亦復差互今孤岫固自疑其
說而通鑑復取舊史何耶恐他有所據新史

必見行狀與移蔡之帖也新史公年七十六舊史
七十七按大曆十三年公年七十爲刑部尚書三
抗章乞致仕不允後死於貞元元年當年七十七

顏魯公年譜終

顏魯公行狀

錫山安國刊

門客因亮撰

公姓顏名真卿字清臣小名羨門子別號應方京兆
 長安人也顏氏乃春秋小邾子之苗裔昔帝軒氏生
 昌意昌意生顓帝顓帝生老童老童生吳回吳回生
 陸終陸終生六子一曰昆吾其國衛也二曰參胡其
 國韓也三曰彭祖其國徐也四曰會人其國鄭也五
 曰曹姓其國邾也六曰季連其國楚也曹姓國於邾
 春秋邾武公為魯之附庸國武公名儀甫字顏公故

公羊傳稱顏公有功於齊齊威公命爲小邾子子孫以王父字爲姓氏以其附庸於魯故代代事魯爲卿大夫故先賢傳孔子弟子達者七十二人顏氏有其人則顏氏之儒學可知也若顏無繇字路顏回字子淵顏幸字子柳顏高字子驕顏祖字襄顏噲字子聲顏之僕字叔并顏何字冉是也至公之十六代祖魏青徐二州刺史諱盛字魯國居琅琊葬臨沂縣西七里十二代祖晉侍中諱含自琅琊居丹陽五代祖北齊黃門侍郎諱之推自丹陽居京兆長安高祖秦王府記室叅軍諱思魯曾祖蔣王文學著作郎諱勤禮

祖曹王侍讀諱昭甫父薛王友贈太子少保諱惟真卽秘書監師古之曾姪孫也公以家本清貧少好佛學恭孝自立貧乏紙筆以黃土掃墻習學書字攻楷書絕妙詞翰超倫年弱冠開元二十二年進士及第登甲科二十四年吏部擢判入高等授朝散郎秘書省著作局校書郎天寶元年秋扶風郡太守崔瑋舉博學文詞秀逸玄宗御勤政樓策試上第以其年授京兆府醴泉縣尉黜陟使戶部侍郎王珙以清白名聞授通直郎長安尉六載遷監察御史制云文學擅於登科器幹彰於適用宜先汗簡之職俾佇埋輪之

劾尋充河東朔方軍試覆屯交兵使凡閱舉糺士伍
舒慘之情事理無不必當七載又充河西隴右軍試
覆屯交兵使五原郡有寃獄不決公理之時方久早
而甘澤立應郡人呼爲御史雨八載又充河東朔方
軍試覆屯交兵使有滎陽鄭氏兄弟三人或居令長
或尉京畿劇任往年母亡殯於太原佛寺空園之內
經二十九載未葬公乃劾奏之敕三人放歸田里終
身勿齒左金吾將軍李延業素承恩渥曾召善堂內
宴引駕仗不報臺公責之延業憑恃權勢於朝常嗾
憤公奏之出爲濟南太守朝廷憚焉不敢不肅

遷殿中侍御史時中丞宋渾以私怨爲御史吉溫崔
珪所誣告謫賀州公謂珪溫曰奈何以一時之忿而
欲危宋璟裔乎由是與二人不平宰相楊國忠初黨
於溫亦怒公之不附已令吉溫諷中丞蔣冽奏公爲
東京畿採訪判官九載十二月轉侍御史百餘日轉
武部員外郎判南曹提綱目鋤苛細武調者多感而
懷之十二載國忠以前事銜之謬稱精擇乃遂出公
爲平原太守其實去之也公至郡詢訪孝義名節之
士皆旌其門閭或觸其戶役安陵處士張鎬多才博
識隱居公詣其居與之抗禮因廉使巡察乃薦焉其

後鎬官至中書侍郎同平章事安祿山鎮幽州十餘載末年反跡頗著人不敢言公亦陰備之因歲終式修城乃浚濠增堵壞堞垣列植木內爲敵之計外託勝遊之資及兵興果賴其固而城得全十四載祿山禍謀將發公遣子至范陽啓祿山以今年冬合當入計祿山猜之不許公旣不得離郡乃遣親客前漢中長史蹇昂奏其狀狀留禁中不報十一月祿山反於范陽衆號十五萬長驅自趙定而南趨洛陽散勝諸郡莫敢枝梧祿山乃勝公令以平原博平兵七千人防河以博平太守張獻直爲副公登時使平原司

兵參軍李平乘駟奏之平至東京見封常清云吾得上旨凡四方奏事者許開函而再封之平聽焉常清遂倚帳操筆寄書於公論國家之事詞意甚切并附募捕逆賊牒數十封至平原今堅相待公從之使親表及門客密送於諸郡因此多有而常清乃尋自敗績焉有敕賜死於陝州竟不接聲平之未至京師也元宗嘆曰河北二十四郡無一人向國乎及聞平至遣中使五六輩迎之兼敕平奔馬直至寢殿門然後令下奏事畢玄宗大喜顧謂左右曰顏真卿何如人朕兼未曾識而所爲乃爾祿山之發范陽也時平原

郡有靜塞屯平盧鎮兵三千五百人並已發赴鎮在
路未達公悉追迴更追諸縣武舉及獵射人兼召募
精勇旬日至萬餘人遣宗子平原郡錄事李擇文統
之驍勇之士刀萬歲和琳徐浩馬相如高抗等分押
營伍皆千夫之長樂以義舉腹心無阻而為其將帥
焉聚兵後數十日公大饗將士於子城四門之外辦
吏四人主酒食所約五十萬廝役之流無不飽飫公
躬自撫巡舉酒下淚言國家之恩戮力死節無以上
報衆皆激憤勇思致命焉時饒陽太守盧全誠與司
李正舉兵據其城河間司法參軍李貞殺祿山所

置長史王忠於濟南月餘日清河義兵復歸本郡濟
南太守李隨下遊奕將訾嗣賢渡河得博平偽太守
馬冀據其郡各有衆數千或至萬人相次於平原共
推公為盟主公三辭後聽焉諸郡認稟指揮告敗剋
日數十至信都郡武邑縣尉李銑來投本縣令龐宣
遠拘留銑母公以私錢十萬募人劫迎之故士衆歡
感無不願効者果遂羣意兼斬龐宣遠首而携迴十
二月祿山陷東京害留守尚書李愷御史中丞盧弈
判官鞏縣尉蔣清等因使以三人之首來徇河北且
以脅降諸郡逆使者段子光至初拽入門子光大呼

曰僕射十三日入東京遠近盡降聞河北諸郡不從
故令我告之公若損我悔有日在遂歷指三首各言
其人公識其是恐搖人心乃謬謂諸將曰我審此三
人皆非也遂命腰斬子光潛令收藏三首誌其處數
日稍定取愷弈等首澡潔仍縛蒲爲身棺殮發哀致
祭城外殯之哭三日舉聲下淚受文武吊慰左右無
不出泣涕者自此義合歸者益多矣斬段子光之日
滄州清河縣步五千攻常山太原節度使王承業擁
兵最近不時出救常山遂陷諸郡頗有貳者玄宗乃
以公爲戶部侍郎依前平原太守充本郡防禦使仍

與節度使李光弼計會招討公以景城長史李暉

副李銑賈載前侍御史沈震爲判官是月又詔公爲

河北採訪處置使公又以前咸陽尉王延昌爲判官

張澹爲友使時清河郡寄客李華

有敕改名爲郡人來乞師於公曰竊聞公高義首唱

河朔歸順之人皆依倚以爲聲氣洪贍人心可用若

不倦於聽則僕請言之公曰何如華曰國家曰制江

淮郡租布貯於清河以備北軍費用爲日久矣相傳

之天下北庫今所貯者有江東布三百餘萬疋河北

租調絹七十餘萬當郡綵綾十餘萬累年稅錢三十

餘萬倉糧三十萬時討默啜甲代藏於庫內五十餘萬編戶七十萬見丁十餘萬計其實足以三平原之富料其卒足以二平原之疆若因撫而有之以兩郡爲腹心唇齒其餘乃四支耳安敢有不從者哉彼要僕爲行人以造公之壘僕明見其可同心也取命於屏戟之外唯公圖之公曰所合之衆未曾知戰自死且急安有恤隣之暇哉雖然諾足下之請則可爲乎華對曰清河遣僕致命於公者蓋欲稟義大賢以濟謀非力不足而借公之師以當強寇也仰瞻高意未有決詞定色與濟清河也安敢言爲哉時華纔年

二十餘皆沮云必動衆無成惟公竒之迫於衆情未可計耳華乃就館操書以達其意意者略言清河去就逆順以全實之資上公之軍而承公之命時不納而疑之卽僕迴轅之後清河必有所託系於他人與公爲西面之難無什日之期耳公及噬臍乎公覽而驚之遂排羣議獨仗其決借兵六千人兵旣出平原次於境上華將把公手而歸公曰兵旣行矣可以言吾子之意否華曰近聞朝廷遣程千里統精兵十萬自太行東下擬諸嶺口助河北諸軍討滅叛逆而嶺口爲賊所守千里兵不得東出須先伐魏郡袁知秦

秦祿山所署爲太守

納舊太守司馬垂使爲西南主

分開鄠口出千里之軍因令討鄴郡已北直至幽府已來未順城邑平原清河率同盟諸將以十萬人直指河陽分効兵巡河而悉制其奔衝之路計王師東討洛邑必不減二十萬河南諸郡義師西向臨之亦不減十萬公當表請堅壁勿戰不旬月而賊有潰散相圖之勢矣公然之遂移牒清河等諸郡并遣大宗子李擇交副將平原縣令范馥偏裨和琳徐浩等十餘人促兵清河合勢以便宜從事華復命於清河因兵合之際修永濟渠引水遶州城上大修守戰之

旬日而畢又以清河四千兵與平原連蹤而西時博平亦義兵千人來合於是三郡之師屯于博平郡堂邑縣西南十里袁知泰遣其麾下將白嗣深乙舒蒙等率二萬餘人來拒戰三郡十兵盡日苦鬪遂大敗之斬首萬餘級生擒一千餘人馬一千疋軍資器械不可勝數其日魏郡城東南面女牆一百五十步無故而崩

去郡邑百里戰日而崩所以爲異

知泰走

投汲郡於是自魏郡以東至堂邑百餘里莫不攜壺漿於道側以候官軍公聲益震境內稍安初平原之師旣西合清河時賊將史思明圍饒陽恐平原救之

仍遣遊奕兵來拒前鋒去舊縣十里公懼不敵乃遣
驍將刁萬歲以三千兵逆之堅壁不戰又以書過河
招北海太守賀蘭進明統馬步五千來助公陳兵而
迎之相揖哭於馬上悽慟三軍宴犒甚厚進明遂屯
平原城南息養士馬公每事咨謀之自是兵威之重
稍移於進明矣而公不以爲嫌進明未有所之李擇
交兵入清河尋又破於堂邑西因公以有功禮遜於
進明加河北招討使擇交馥各徵進官級其清河博
平有功不錄一人時論進明必有後敗未期果失律
於信都賊下有詔抵罪公縱之使赴行在進明以全

乃公護之也君子曰竊人之財猶爲之賊况竊人之
功乎進明之不死幸也然公亦過於寬厚矣三月河
北節度使李光弼以朔方軍馬三千步軍五千初出
土門將討定河朔公乃抽兵歸并放博平清河等軍
各歸本郡斂戢以待光弼之命俄而光弼拔平山郡
救改常山爲平山

續有詔遣郭子儀以萬軍助之兩

進兵又拔趙郡史思明方守博陵以自固仍將兵來
拒於是兩軍與思明三萬人對陣於嘉山大戰思明
敗績徒跣走入博陵城兩軍斬首萬餘虜獲不可勝
計時平山趙郡已拔蜀正臣

本名客奴

歸順於平原

平盧等十七郡公先據之於是橫截賊路人往來幽
府皆以精騎偷路又多被官軍殺之其賊將士父母
妻子及曳河落種族並質在范陽絕懷震恐時方盛
暑公知光弼子儀禁斷侵掠將士少衣服乃送十五
萬緡爲三萬人裝以遣人至饒陽屬潼關不守兩軍
却入土門遂留不行然河北諸郡公始復指麾征討
之事肅宗之在靈武也公前後遣判官李銑及馬步
軍張雲子以蠟爲彈丸以帛書表實於彈丸之內潛
至靈武奏事有詔以公爲工部尚書兼御史大夫依
前河北招討採訪處置使又於蠟丸內奉敕書及即

位改年赦書至平原散下諸郡宣奉焉又令前監察
御史鄭昇賫赦書宣布河南江淮所在郡邑風從不
疑而王命遂通則公之力也而河北諸郡稟公之命
粗爲安肅公以兵興半年軍用已竭思所以贍濟之
未得其略先時清河行人李華自堂邑戰勝後又覩
公辭權而不有之遂藏於人間不及見公再三盟約
號令諸郡及以文牒求之曰清河郡屬崔審交應賊
之後吏不安行人李華乃崇墉浚隍鍛甲矯翦乞師
破敵和衆以安人靜言其功須有甄賞仍牒之於路
以求焉華於是復詣平原與公相見公因問以足用

之計華遂與公數日參議以定錢收景城郡鹽汧河
置場令諸郡略定一價節級相輸而軍用遂贍時北
海郡錄事參軍第五琦隨刺史賀蘭進明招討於河
北覩其事遂竊其法乃奏肅宗於鳳翔至今用之不
絕然猶未得公本策之妙旨焉是年秋祿山遣其將
史思明尹子奇等併力攻河北諸郡前後百餘日饒
陽河間景城樂安相次而陷所存者平原博平清河
三郡而已然人心潰叛不可復制公乃將麾下騎數
百奔平原渡河由淮南山南取路朝肅宗於鳳翔行
在初公之將過河也乃謂判官穆官張澹曰賊勢既

爾若委命待擒必爲其快心辱國之命也今將徑赴
行在公以爲如何若朝廷必誅敗軍之罪以勵天下
則王綱可振死亦何恨如復從事以責後効則業不
朽矣寧澹與諸將皆贊之策馬發至朝廷除公爲憲
部尚書初劉客奴以漁陽歸順時史思明與光弼子
儀相持於趙定之間客奴遣使越海與公計會公使
判官賈載將男頗爲質信泛海以軍糧及戰士衣服
遺之時頗始年十歲餘公更無子息三軍懇請留之
不從及載等迴公乃與漁陽聲勢相連尋又使人迎
其軍比至公已奔平原歸于行在竟不及事然自肅

宗已來河南及諸道立功大將如王元忠田神功董
秦侯希逸李正已許杲卿等初皆是公自北海迎致
之者終無私謁焉至二年正月又除御史大夫未幾
因忤聖旨貶馮翊太守乾元元年三月又改蒲州刺
史本郡防禦使封丹陽縣開國子食邑一千戶是年
爲酷吏唐旻所誣貶饒州刺史二年六月拜昇州刺
史充浙江西道節度使兼宋毫都防禦使劉晨反狀
已露公慮其侵軼江南乃選將訓卒緝器械爲水陸
戰備都統使李峘以公爲太早計因密奏之肅宗詔
追未至京拜刑部侍郎及劉展舉兵渡淮峘敗績

江西淮南遂陷於展議者皆多公而怨峘焉上元元
年秋時御史中丞敬羽徂詐險慘班列皆避之公曾
與之語及政事遂遭誣貶蓬州長史公樂道自怡不
以介懷寶應元年五月代宗有詔除利州刺史十二
月拜戶部侍郎加銀青光祿大夫上柱國廣德元年
又加金紫光祿大夫充荆南節度使觀察處置使遲
留未行爲密近所誣遂罷前命代宗幸陝公扈從至
行在除尚書右丞宰相元載與公不叶公亦面數之
不爲之屈及鑾駕還宮公會建議先謁廟然後卽安
官闕事竟不行時載方在於立班更顧公曰所見雖

美其如不合事宜公怒而進曰用捨在相公耳言者何罪乎然朝廷紀綱豈堪相公再破除也載自此銜之而不忘二年正月除檢校刑部尚書兼御史大夫朔方行營汾晉等六州宣慰使載又疑公因使奏對必言短尋罷前命唯知刑部尚書事三月進封魯郡開國公食邑三千戶載自與公有隙常俟公闕公亦獻書直奏其奸狀代宗俱容不罪之也永泰二年春差公攝職謁太廟公以祭器不修言之於朝載譖公以爲訕謗時正貶陝州別駕代宗爲罰過其罪尋換吉州別駕公與往來詞客詩酒講論爲樂甚有所著

編爲廬陵集十卷於大曆三年遷撫州刺史在州四年以約身減事爲政然而接遇才人耽嗜文卷未曾暫廢焉因命在州秀才左輔元編次所賦爲臨川集十卷七年九月拜湖州刺史公以時相未忘舊怨乃加勤於政而以杭州富陽丞李嶸爲本州防禦副使蘇州寓客校書郎權器遊客前大理司直楊昱爲判官委墾草闢田之務於嶸委閱簿檢吏接詞政之務於器昱等而境內晏然公初在平原未有兵革之日著韻海鏡源成一家之作始創條目遂遇祿山之亂寢而不修者二十餘年及至湖州以俸錢爲紙筆之

費延江東文士蕭存陸士修裴澄陸漸顏祭朱弁李
甫清河寺僧智海兼善小篆書吳士湯涉等十餘人
筆削舊章該搜羣籍撰定爲三百六十卷大凡據法
言切韻次其字按經史及諸子語據音韻次字成句
者刊成文裁以類編又按倉雅及說文玉篇等其義
各注其下謂之字脚韻海者以牢籠經史之語依韻
次之其多如海鏡源者八體之本究形聲之義故曰
鏡源綿亘數載其功乃畢表奏上之有詔付所司藏
之於書府大抵求經史撰集篇賦利於後學焉此外
餞別之文及詞客唱和之作又爲吳興集十卷今檢

校國子祭酒楊昱自御史中丞京畿採訪使除爲漢
州刺史轉湖州刺史以舊府之恩乘州人之請紀公
遺事刊石立去思碑於州門之外卽今都官郎中陸
長源之詞也十二載元載伏誅召公爲刑部尚書經
年公以前後類典刑憲密啓辭焉乃上選舉利害事
宜數十條代宗善之人莫知也遂改吏部尚書今上
諒闇之際詔公爲禮儀使先自玄宗以來此禮儀注
廢闕臨事徐創實資博古練達古今之旨所以朝廷
篤於訕疾者不乏於班列多是非公之爲公不介情
唯搜禮經執直道而行已今上察而委之山陵畢授

光祿大夫遷太子少師依前爲禮儀使前後所制儀注令門生左輔元編爲禮儀十卷今存焉三年八月遷太子太師四年淮寧節度使李希烈以十四州叛襲陷汝州執刺史李元平歸蔡州朝廷詔公爲淮寧軍宣慰使公乘驛駟至東京河南尹鄭叔則勸公曰反狀已然去必陷禍且須後命不亦善乎公曰君命也焉避之至許州與希烈相見宣傳詔意未畢逆賊使其大將軍王玠周曾詬公以醜詞劫公以白刃又令隣境同惡所遣使者四人於希烈之前拜舞伏稱誣訴國家之事勃慢兇豪詞所不忍聽也又令親兵

五千人號爲希烈養子人各持一刀逼脇於公如欲剽食之勢公位不移定色不撓懼希烈覩公辭色不變謬爲驚駭以身蔽公兵人旣退方揖公就館前後詐爲公表奏自說其強盛以請汴州者數十今上知而寢之希烈雖窮凶極惡然亦感公文義大陳設燕會將欲送公於朝廷先爲賊所擒汝州刺史李元平時在座公指引叱責之元平羞慙而起書其奸意坐上潛通希烈意變罷宴後遂拘公於官舍令甲卒十人守之仍穿一阬于廳之前以脅公公乃直言指希烈云死生有定何足多端相侮哉但以一劍見與公

卽必覩快事無多爲也希烈慙謝焉自後不敢無禮於公也居數月賊於安州城下破官軍得獲將士以頭連誇示於公公聲叫呼自牀投地憤絕良久乃蘇從此更不復與人言語及哥舒曜收復汝州擒檢校刺史周晁已下百人希烈乃遣周曾康秀林等領二萬人來襲哥舒於汝州曾秀林行至襄城乃謀翻兵殺希烈奉公爲節度使以歸順希烈押衙姚澹亦爲內應先期一日事洩希烈乃遣驟子軍三千奄至襄城殺周曾等收其期兵而回因送公於蔡州龍興寺居焉公度不得全自撰墓誌以見其心又就希烈請

數人之饌希烈不知而給之自陳設之因爲文祭周曾已下爲賊所害者無不獻歆其十二月希烈陷汴州僭逆稱號爲慘酷之具以逼公意欲其屈禮公憤然而無求生之意賊以止焉貞元元年河南王師復振賊慮蔡州有變乃使其將辛景臻於龍興寺積薪以油灌旣縱火乃傳希烈之命若不能屈節自即裁之公應聲按地臻等驚慙扶公而退希烈審不爲已用其年八月二十四日又使景臻等害於龍興寺幽辱之所凡享年七十七明年三月希烈爲麾下將陳仙竒所殺淮西平仙竒遣軍將營送公神櫬於京師

嗣子櫟陽縣尉頽次子祕書省正字碩迎喪至汝州襄城縣乃葬焉攀號屢絕毀裂過不自勝以其年十一月三日祔葬萬年縣鳳棲原之先塋有詔贈司徒謚曰文忠賻錢五十萬粟二百碩中使吊祭儀仗送於墓所朝野莫不哀傷公蹈忠節之苦古今無類焉公平居之日自卑有井介之操而能容衆有潔已之方不以疵物與道合歲寒者終始無渝變况君臣大義名教大節而得造次焉可奪求生而害仁者嗚呼淮寧之難豈止天不憖遺蓋亦有無良之人以怨德投之於無存之地也悲夫初遭難後江西節度

曹王臯上表曰臣見蔡州歸順脚力張希璨王仕顯等說去年八月二十四日蔡州城中見封有隣兒不得名字云希烈令僞皇城使辛景臻右軍安華於龍興寺殺顏真卿埋於羅城西道南里并立碑臣聽之未畢涕泗交流三軍對臣亦苦嗚咽且臣死王事子復父讎人倫常經不足褒異所悲去古日遠澆風蕩浮多苟偷生曾不顧節使忠孝寂寞人倫憔悴昨段秀實奮身擊泚首今顏真卿伏縊烈庭皆啓明君臣發揮教訓近冠清史遠紹昔賢夫日月麗天幽民向燭忠烈曜世回邪革心伏請陛下降議百寮遐布九

有刻石頌德告廟圖形使元壤感恩皇風澤物公之
密親懿友動相規用以成其務者即今給事中因公
亮吏部員外郎柳公冕採其謀猷分以休戚者今古
州刺史李公巽重其器悅其能者今檢校國子祭酒
楊公昱故戶部員外郎權公器其餘顧盼曾假吹
成名布於詞場及內外之列者不可勝紀李公巽吉
州以小子久趨於欄戟定以使言將存刊刻用防逸
墜尚實去飾庶無愧焉其故同事之人先後存亡錄
之于左謹狀

顏魯公行狀